

INUIT ATAQATIGIIT INATSISARTUNI



UPA2022/29

16. November 2022

Kristian Jeremiassen

Kalaallit Nunaanni illunut inissianullu Radon-ip qinggorneranut illersuutilersuinissamut periarfissanik misissuititsinissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinerup imarissavaa pisortat ingerlataanni illuni aamma naammineq illuni inissianilu pisortanit pigineqartuni arlalinni periarfissarsiornissaq. Kingusinnerpaamik 2023-mi ukiaanerani ataatsimiinnermi misissuinermit innersuussutit saqqummiunneqassapput.

(Inatsisartunut ilaasortaq, Mariane Paviasen, Inuit Ataqatigiit)

Siullermeerneqarnera

Inatsisartunut ilaasortap Mariane Paviasen-ip siunnersuutaat Inuit Ataatigiit-niit imatut oqaaseqarfingissavarput:

Pinngoqqaat Radon peqqissutsimut ulorianartoq nunatta ilaani illoqarfinni Narsami, Qaqortumi, Nuummilu inissiat radon-mik illersuuteqannginnerat innuttaasut peqqissusaannut ulorianartorsiortitsivoq naak illut amerlasuut radonmut illersuuserneqarsimangaluartut aamma illersuuserneqarsimangitsunik peqarpoq taakkua illersuusersimangitsut isigineqarniartariaqartut Inuit Ataqatigiit isumaqarpugut.

Siunissami politik-eqartariaqarpugut innuttaasunut illersuisumik inissiani tamani radonmut qinggornerinut illersuusiinissamut inissiani tamani ajornartorsiuteqar-

INUIT ATAQATIGIIT INATSISARTUNI



fiusuni inuummi peqqinnissaa tamatumani pineqarmat inuunerup ingerlanerani inummut sunniuteqarnerluutaasinnaasoq, akeqarpoq akisuvoq inuulli inuunera aningaasanik nalilerneqarsinnaangilaq.

Piffiit radon-imik ajornartorsiuteqarfiusut politik-kkut iliuusissamik ersarissumik tikkuussiffiusu-mik nalorninaatsumik politik-eqarfingineqartariaqartut Inuit Ataqatigiit isumaqarpugut. Akissallit imminnut isumangisinnaapput inuiaqatigiillu pisuussutinginngilaat radon-mut ulorinartorsiorneq inuup ataasiakkaarluni

akisussaaffingisinnaangilaa inuiaqatingiittut pinngoqqaammut ulorianartumut illersornissaat politik-kkut siunniutaasariaqarpoq ersarissoq akissaatikinnerit pillugit aamma iluaqusiisussaq radon-mut illersuusernermi.

Misissuinerit nalunaarusiallu kinguarsaatitut isiginiarneqartarput pittaasumillu atorlugit aaqqiissutissarsiornermi atorluartarput tamannalu Inatsisartuni pisariaqartillugu atorineqartarpoq inuiaqatigiinnut ajunnginnerpaamik kinguneqas-sappat, pisortanit pigineqartuni namminerlu pingineqartuni inissiani aaqqiinissaq pisariaqavittoq Inuit Ataqatigiit isumaqarpugut.

Narsami radon-ip ajornar-torsiutaanera annertoqaaq peqissutsimullu sunniuteqarluni, pinngoqqaat radon takuneqarsinnaangilaq inummulli peqqissutsikkut ulorianartumik sunniuttar-poq kraft-imik kingunilimmik, soorlu danmark-imi misissuinerit takutikkaat inuit 300 missaani toqusartut radon-mik sunnertissimanerup kinguneranik, nunatsin-nilu iliuuseqarfingisariaqarparput illersuusersuinissaq inissiani tamani. Inuup inuunera iluatinnarpoq radon-lu ajornartorsiutaavoq illoqarfippaalunni siunis-samullu tikkuussinissaq pisariaqarluni.

INUIT ATAQATIGIIT INATSIARTUNI



Siunnersuummut taamatut oqaaseqarluta siunnersuut Naalakkersuisut allan-
nguutissatut siunnersuutaat akueraarput.

Qujanaq.